

後村居士集

二

後村居士集卷第三

詩南嶽第二葉

九日次方寺丞韻

木落山凋水見涯感時短髮半蒼華
人陪相大將軍笑誰管陶潛處
士家砧動寒衣貧未剪杯空隣酒貴
難賒病身索漠如黃蝶繞匝離邊未有花

戲鄭閩清灼艾

點穴不須鑿針經手自披既云丹熟後
焉用火攻爲簡出創牽步端居痛上眉
閉門功行滿應有解飛時

暝色

暝色千村靜遙峯帶淺霞荷鋤歸別墅
乞火到隣家疎鼓聞更遠昏燈見字斜
小軒風露冷自起灌蘭花

示寶上人

昔尋老岳到庵西岳死庵空路已迷
師舉舊詩余不記茫然恐是夢中題

海口官舍

曉起齋中望千家未啓扉潮能驅海走
風欲挾人飛煙寺鍾初定霜林葉半稀
客身偏畏冷着盡帶來衣

瑞峯寺

寺在高山頂天寒偶一登孤僧營粥飯
諸佛闕香燈潮

落洲分派林疎塔見層危欄宜老眼欲去幾迴凭

瑞巖

金碧千間盡惟庵免劫灰佛歸何國去僧自別峯來
石神鞭至懸崖帝鑿開幽尋情未已木杪夕陽催

荅湯升伯因悼紫芝

紫芝曾說子能詩開卷如親玉樹枝古佛寫成翻水偈
天仙遺下步虛詞的然沈謝何難識逝矣應劉不可追
寂寞西湖三尺墓誰携斗酒一澆之

有中貴人葬紫芝于西湖之上

挽林宜人

曾究西方學儒書亦有聞賜金存日施遺珥病時分白

首夫同穴青山子結墳吾詩非溢美字字攷埋文

送葉知郡

禾

家在春風住二年借侯無路意悽然到來不飲官中水
歸去難謀郭外田燈遠村民多點塔擔輕津吏易排船
壺公亦似追程送青過囊山古寺前

送人赴廬陵尉

聞說江西路而今不宿師省民來着業少府去吟詩夜
月營聞鼓春風射圃旗雖然溪峒事閑暇要先知

別翁定宿瀑上

偶送詩人共宿山擁爐吹燭聽潺湲已修茗事將安枕

因看梅花復啓闕崖色無苔通磳底月光如練抹林間
平生所歷同郵寄獨到庵中不忍還

身在一首

身在樵村釣瀨行秋豪不與市朝爭目云嚙酒相繩急
謗到吟詩所犯輕沉水一銖銷求書蠹書數葉伴殘更
閉門孤學無窮味笑殺韓公接後生

臘月十日至外祖尚書家

古樹暗朱門空堦篆蘚痕昔容萬間屋今止數家村泉
少池因廢田荒廩尚存遺書零落盡身愧史遷孫

命拙

命拙躬耕逢歉歲旋營水菽度晨昏晴天田舍禾歸窖
臘日山家酒滿盆護竹短墻修復壞澆花小井汲來潭
早知不是封侯相蓑笠何因肯出村

憶真州梅園

當年飛蓋此追隨慘澹淮天月上時樹密徑鋪氈共飲
花寒常怕笛先吹心憐玉雪空存夢塵暗闕山阻寄詩
縱使京東兵暫過可無一二斫殘枝

歲晚書事十首

荒苔野蔓上籬芭客至多疑不在家病眼看人殊草草
隔林迢遞見梅花

日日抄書懶出門
小窻弄筆到黃昏
頭婢子忙勻粉
不管先生硯水渾

踏破儂家一徑苔
雙魚去換隻雞回
幸然不識聾牙字
省得閑人載酒來

書生元不信機祥
老去無端慮事詳
白髮社巫云日吉
明朝泔井更苦墻

鬱壘鍾馗尚改更
青雲變幻幾公卿
人間止有章泉叟
撲斷衡山了一生

細君炊秫婢繰絲
絲勝酥花揔不知
窻下老儒衣露肘
挑燈自揀一年詩

門冷如水儘不妨
由來富貴屬蒼蒼
誰能却學癡兒女
深夜潛燒祭竈香

歲晚郊居苦寂寥
日高盃酪去城遙
深深榕徑苔墻裏
忽有銀釵叫賣樵

主公晚節治家寬
婢慣奴驕號令難
圍在屋邊慵種菜
井臨砌畔怕澆蘭

丐客鶉衣立戶前
豈知儂自窘殘年
染人酒媪逋猶緩
且送添丁上學錢

元日

元日家童催蚤起
起搔冷髮惜殘眠
未將柏葉簪新歲

且與梅花叙隔年甥姪非多身老無親朋來少辱青世
人生智力難求處惟有稱觴阿母前

寄題李尚書秀野堂一首

江上歸來兩鬢絲倒囊惟剩草堂黃雲山有態爭呈獻
天海無邊入指麾怪石遠從商舶至名花多自別州移
寄聲獨樂先生說世事而今尚可爲

又真止堂一首

作堂肯以止爲名出處遙知講已精縱使曾中橫綠野
未應度外置蒼生渡顏公獨能山立漏盡人方喜夜行
千載英雄須冷笑孔明回首學淵明

晚悟

晚悟才爲崇深居學養生乃知景升子差勝少游兄絕
澗携餅汲空山抱耒耕兒孫聽苦語世世勿談兵

書燈

童子糊新就籠紗碧色深喚回少年夢照見古人心每
對忘甘寢頻挑伴苦吟與君交到老莫慮棄墻陰

書感

鬚髦馳逐少年場晚向深山學老莊名以馬牛猶不校
嘲爲狔犬極何妨性踈孰客來難記意懶生書讀易忘
却笑癡人誤標榜賢愚千古共茫茫

山茶

青女行霜下曉空山茶獨殿衆花叢不知戶外千林縞
且看盆中一本紅性晚每經寒始色深却愛日微烘
人言此樹尤難養暮溉晨澆自課僮

落梅

一片能教一斷腸可堪平砌更堆墻飄如遷客來過嶺
墜似騷人去赴湘亂點莓苔多莫數偶黏衣袖久猶香
東風謬掌花權柄却忌孤高不主張

又一首

昨夜尖風幾陣寒心知尤物久留難枝疎似被金刀剪
片細疑經玉杵殘痛叱山童持帚去肯留野客坐苔看
月中徙倚憑空樹也勝吳兒賞牡丹

野性

野性無羈束人間毀譽輕客言詩惹謗妻諫酒傷生
窻納鄰峯碧瓢分速澗清近來尤少睡打坐到鍾聲

懷保寧聰老

秣陵一見歎魁梧每恨斯人不業儒幾度劇談俱抵掌
有時大醉勸留鬚探梅尚憶陪山屐煨芋何因共地爐
我已休官師退院肯來林下卓庵無

哭五一弟先輩二首

未冠辭家出麻衣不肯迴瘦因身久客貧爲性踈財精力書中去科名病裏來空傳場屋義留與鋪家開自小即相依天涯影伴飛共燈抄細字分俸贖寒衣已痛身長訣猶疑客未歸素幃惟幻女斷續哭聲稀

腰痛

偶得休文病行遲卧不安益綿身尚怯加劑脉猶寒扶出着山易驅教立雪難邊頭方募士自愧已衰殘

上冢

落梅萬點曉泥乾擘紙携家去上山寧與先君遊地下肯隨謫子乞墻間墜塋清雨頽偏易沙土栽松長極艱畢竟有慙廬墓士林扉夜只付僧關

平床嶺

以下十二首辛巳游山作

一動非容易三年議始成倩人挑旅橐買紙劄山程下嶺峯如拜登崖樹若迎暫無塵事汨便覺長吟情

溪西

暮止溪西宿喧呼聒四鄰滿村無別姓比屋喜生人解榻勤爲黍烘衣許覓薪客房惟有月偏照不眠身

夾漈草堂

嶺絕瀑源窮曾於此築宮得知千載上因住萬山中廢址苔荒盡遺書電取空高皇南渡始却議及招弓

棋山院

昔日棋山院今惟認土丘有僧逃債去無主施錢修野
叟樵難禁崑僊弈未休何須悲幻境佛比作浮漚

西林寺

將謂如廬阜因迂數里行問俱無古迹來等慕虛名借
榻眠難熟逢碑眼暫明殘僧逃似鼠難結社中盟

興化縣

繞縣百千峯初疑路不通居民猶太古今尹似春風箏
遠呼難至杯寒吸易空却從歸路望飛榭半天中

麥斜

諺比武夷君來游稱所聞崑開花似染洞出氣如雲屋
老殘詩在崖枯小篆焚只疑龕室內猶有文軒文

鯉湖

凡是龍居處皆難敵此泉下窮源至海上有穴通天小
派猶成瀑低峯亦起煙莫疑乘鯉事能住即能僊

蔡溪巖

陳聘君隱處

愛瀑戀苔磯難招出翠微死因巖作墓生以石為扉已
歎逃名是猶嫌學佛非後來無此士不但鶴書稀

九座山

化盡開山物惟存窳堵坡俗傳潭出雨僧說火因魔舊

給唐綾暗新鐫蔡字訛巖前觀蟒石尤覺可疑多

香山寺

佛廢何關儒者事要知開剏亦辛勤居人公拆純樞柱
巨室深藏舊記文鍾已毀樓移出寺石猶鐫字徙爲墳
吾詩句句通陰騭安得檀那子細聞

仙遊縣

不見層崗與復崑眼中夷曠似江南煙收綠野連青嶂
樹闕朱橋映碧潭丞相無家曾住寺聘君有字尚留庵
荒山數畝如堪買徑欲誅茆老一龕

觀溪西子第降僊

似有物憑箕傍觀競卜疑曾從師授易肯問鬼求詩崑
穴雖高枕乾坤尚弈碁老儒心下事未必紫姑知

自昔

自昔英豪忌苟同此身易盡學難窮習爲聰絕真唐體
講到玄虛有晉風蠲子盡云參妙喜乞兒自許識荆公
安知斯世無顏閔到死浮沉里巷中

耕仕一首

耕不逢年仕背時蕭然井臼掩茅茨貧求生墓爲謀早
病學還丹見事遲馬上功名成畫餅林間身世似持碁
未應對客呈飢面尚有荒園可種葵

真母吳氏挽詞二首

系出自華宗來嬪隱約中貧能安苦節貴愈積陰功立
志如歐母生兒似富公如聞新寔處神告在溪東
族昔多名壻令觀子更奇他年槐樹識早歲柏舟詩割
股延姑壽拍簪活衆飢事皆堪入史何必墓傍碑

蘭

深林不語抱幽身賴有微風近遠馨開處何妨依薜砌
折來未肯戀金鉗孤高可挹供詩卷素淡堪移入卧屏
莫笑門無佳子弟數枝濯濯映堦庭

感昔二首

談攻說守漫多端誰把先朝事細看棄夏西陲忘險要
失燕北面受風寒傍無公議扶种李中有流言沮范韓
寄語深衣揮麈者身經目擊始知難

先皇立國用文儒奇士多爲禮法拘澶水歸來邊奏少
熙河捷外戰功無生前上亦知強至死後人方誅尹洙
螻蟻小臣孤憤意夜窻和淚看輿圖

山丹

偶然避雨過民舍一本山丹恰盛開種久樹身樛似蓋
澆頻花面大如杯怪疑朱草非時出驚問紅雲甚處來
可惜書生無事力千金移入畫欄栽

燕二首

曾客烏衣看落花春風吹影傍天涯
茅簷亦有安巢地何必王家與謝家

野老柴門日日開且無欄檻礙飛迴
勸君莫入珠簾去羯鼓如雷打出來

過永福精舍有懷仲白二首

求福招提小步廊憶携詩卷共追涼
年來行處常迂路纔近君家即斷腸

一樹梅花掩舊居主人僊去客來踈
白頭留得吟詩友每見郎君勉讀書

詠史二首

中原力不支洛陽名勝浪相推
可憐揮麈人如壁半夜排牆尚未知

保惜金甌未必非臺城至竟亦灰飛
隱侯老任梁朝事却爲閑情減帶圍

韓曾一首

道散斯文體尚浮韓曾力與化工侔
山瞻泰華巖巖聳河出崑崙混混流
長慶從官銷不得熙寧丞相挽難留
滄州奏疏潮州表猶被人拈作話頭

春旱四首

一春閔雨動龍顏曉殿權傳賀雪班林下散人看邸報
也踈把酒廢游山

去冬玉塞靜無埃春雪雖遲亦壓災大士送歸天竺去
相公宣入浙江來

屋山無筍圃無蔬釜冷樽空客至踈說與厨人稀作粥
老夫留腹要盛書

清明未雨下秧難小麥低低似剪殘窮巷蕭然惟飲水
家童忽報井源乾

黃天谷贈詩次韻二首

浪迹徧齊州曾從劍俠游尚嫌秦政臭肯要郢支頭客

禮朝三殿兒嬉弄五侯吾猶看不破何況道家流

世無仙則已有必屬斯人丹熟將分友雲遊每念親小
窻時讀易靜室夜修真符篆皆餘事題詩亦出塵

得魯景建書一首

聞君別後買傾城酒戒中年亦放行遠使忽來知病起
近書全未說丹成莫嫌身去依劉表曾有人甘殺禰衡
何日斷原荒澗畔一間茅屋對寒檠

示兒

瓜芋村邊一畝宮閉門不復問窮通生羞奏技伶人裏
死怕標名狎客中講學有誰明太極吟詩無路和薰風

身今老矣空追悔但祝吾兒勿似翁

擲陽塘

塘水年時似練湖春來亦已化平蕪農官久廢存遺址
樵子公行作坦途葦折鷺藏身不得萍乾魚以沫相濡
桔槔伊軋聲如泣借問龍公睡穩無

春日二首

睡起無人小院空南華一卷磬聲中鼻端老去齋香臭
分別掛花是晚風
隙地新鋤一逕通野中手自植芳叢生來不慣游金谷
屋角花開也自紅

憶毛易甫薛子舒

昔在江東會集時二君獨許話心期春風蕭寺同登塔
落日荒臺共讀碑百吏染毫供草檄萬花園席看題詩
那知數尺無情土別後雙埋玉樹枝

有感

如塔巖前未十年南北問干戈穹廬昔少曾居汴
黃石不生誰可將奉春再出亦難和
是詩人職莫怪吟中感槩多

哭趙紫芝

奪到斯人處詞林亦可悲世間空有字天下便無詩盡

出香分妓惟留硯付兒傷心湖上冢誰葬復誰碑

哭周晉仙

君在詩人裏功夫用最深古如神禹鑄清似鬼仙吟死
定無高塚生惟有破衾長安酒樓上猶記昔相尋

中嶸先塋

昔遇重華席屢前因排貴近去翩然叩墀袖有馳球疏
易篋囊無沐柳錢當日傳家惟諫草至今贍族賴祠田
原頭宰木蒼如此纔見山庵葺數椽

被酒

酒戶當年頗著聲可堪病起困飛觥醉呼褚令爲傖父
狂喚栢公作老兵舊有崢嶸皆鏟去新無壘隗可澆平
投床懶取騷經看口嗅梨花解宿醒

小園卽事二首

何處瑤姬款戶來薔薇花下暫裴徊分明粉蝶通消息
未有人知一朵開

因聽簫聲一念差碧雲遮斷阿環家春來無遣閑愁處
玉面紗巾出看花

夢豐宅之二首

一別茫茫滿九京夢中慷慨語如生老猶奮筆排和議
病尚登陣募練兵天奪偉人閔氣數時無好漢共功名

殘明仍在王師老寶劍雖埋憤未平

斯人古少況於今每恨諸賢識未深朝給賻錢方掩骨
家無餘帛可爲衾向來夫子真知己近世門生喜負心
惟有天涯華髮掾獨揮衰涕望山陰

漢儒二首

執戟浮沉亦未迂無端著頌美新都白頭所得能多少
枉被人書莽大夫

賣賦長安偶遇知後車歸載遠山眉可憐犬子真窮相
不見劉郎過沛時

暮春

燕子來時春事空杖藜來往綠陰中靜憐朱槿無根蒂
開落惟銷一陣風

哭吳杞

七十未陞舍目深雙鬢殘病中依佛寺死處近嚴灘俗
薄揮金少家貧返骨難遺言令火葬聞者鼻皆酸

摘花

一種靈根有異芬初開尤勝結丹黃白於蒼筤林中見
清似旃檀國裏聞淡月珠胎明璀璨微風玉屑撼繽紛
平生荀令熏衣癖露坐花間至夜分

薔薇花

滄露含風匝樹開呼童淨掃架邊苔相紅染就高張起
翠錦心成乍剪來公子但貪桃夾道貴人自愛藥翻塔
寧知記子第下可有繁英送一盃

老鄭臨清

多着襦裙少裏巾形容蒼槁意清真舊時論語都忘記
難做深衣社裏人

前輩

前輩日以遠斯文吁可悲古人皆尚友近世例無師晚
節初寮集中年務觀詩雖云南渡體俗子未容窺

鐵塔院

鐵塔荒涼院年深失主名昔遊基已廢今至屋皆成人
出私錢施僧憑願力營如何榆塞上却有未包城

東方寺丞病足

西北名山未徧經詎宜倚杖立吟嶼脉通氣數豎難曉
病在皮膚藥易靈昔走戰場常縱靶今居內屋更施屏
平生受用嵇康論欲獻公爲座右銘

後村居士集卷第三

後村居士集卷之四

詩南嶽第三葉

贈徐相師

許負遺書果是非子憑何處說精微使君豈必如柳大
丞相元來要瓠肥袖闊日常籠短刺肩寒春未換單衣
半頭布袋挑詩卷也道游方賣術歸

送孫夢官

大帝開江左無錐與遠孫自言埋戰地也勝活侯門短
褐邊風緊孤舟海浪翻知他三尺劍携去報誰恩

寄何立可提刑

故人握節守齊安聞說邊頭事愈難赤手募了修險隘
白頭擐甲禦風寒半腰城甫包圍畢一把兵皆點擲殘
收得去年書在架憶君燈下展來看

和曾史君喜雨

雄烏忽變作雌霓太守為壇水畔祠多謝龍公來挹彼
寄聲風伯莫吹之麥殘黑穉差傷晚秧出青箴未過期
想見鈴齋聞點滴銀鈎滿紙又成詩

送饒司理端學

一郡夸饒祿才名果不虛忽聞歸去勇極恨往還踈因
戴公平德奴擔性理書京華逢友舊為說閉門居

贈防江卒六首

陌上行人甲在身營中少婦淚痕新邊城柳色連天碧
何必家山始有春

壯士如駒出渥洼死眠牖下等蟲沙老儒細爲兒郎說
名將皆因戰起家

昨者邳徐表奏通聖朝除吏遍山東新來調卒防秋浦
又與山東報不同

身屬嫖姚性命輕君看一蟻尚貪生無因喚取談兵者
來向橋邊聽哭聲

戰地春來血尚流殘烽缺堠滿淮頭明時頗牧居深禁
若見關山也自愁

一炬曹瞞僅脫身謝郎棋畔走符秦年年拈起防江字
地下諸賢會笑人

哭黃直卿寺丞二首

父在文公几杖旁暮年所得最精詳貧甘香火辭符竹
病整衣冠坐簣床壯士軍中悲亮死先師地下惜回亡
法雲破寺三間屋却有門人遠赴喪

當年出塞共臨戎箭滿行營戍火紅督府凱旋先請去
堅城築就獨無功身謀彼此皆迂闊國事中間偶異同
莫怪些詞含哽噎在時曾賞小詩工

不寐

萬戶千門盡擁衾，據梧展轉看橫參。不知身已成裘證，枉被人疑是苦吟。周漢前書盲記憶，乾坤外事彊思尋。華山老子差堪語，安得呼來論此心。

寄夔漕王中甫

舊歲書猶至，漢陽新年夢已隔。瞿唐西人久苦供軍費，南士專營出峽裝塵暗。二邊途尚梗身遊萬里，鬢雁蒼蜀山間說多僊者。試為余求辟穀方。

送章通判

半刺已官尊，常時讀魯論。身居恭叔里，心在晦翁門。貧士來遮路，詩人送出村。君能齊得喪，何必戀華軒。

旱蓮

晴久方池可跣行，萍枯惟有草縱橫。朱葩未見叢二拆，綠柄纔看寸寸生。悴若放臣臨楚澤，厄於學士蹈秦坑。輸他抗越花如錦，畫舫名姝夜按笙。

辭桂帥辟書作

一昨聞公莫府開，夢魂頻繞嶺頭梅。久拋鞞袴辭軍去，忽有弓旌扣戶來。茅舍相過爭借問，荷衣欲出却徘徊。舊時檄筆今焚棄，孤負黃金百尺臺。

聞何立可李茂欽詩二首

初聞邊報暗吞聲想見登誰與虜爭世俗今猶疑許遠
君王元未識真卿傷心百口同臨穴極目孤城絕抹兵
多少虎臣提將印誰知戰死是書生

何老長身李白鬚傳聞死尚擢州符戰場便合營雙廟
太學今方出一儒史館何人徵逸事羽林無日訪遺孤
病夫疇昔曾同幕西望關山涕自濡二君皆舊同官

夏旱

滿望梅天雨誰知日轉驕畦蔬新住摘盆樹久停澆米
貴糧困盡泉乾汲路遙未遑憂世事灾已到顏瓢

憶藕

昔過臨平召伯時小舟就買藕尤奇如拈玉塵涼雙手
似瀉金盞燕上池好事染紅無意緒癡人蒸孰滅風姿
炎州地狹陂塘少渴死相如欠藥鑿

夜飲方湖

貪聽月下小叢歌擲去金蕉吸碧荷四面涼如浮震澤
五更渴欲挽斜河古稱賢達誰存者今不懽娛柰老何
長笑峴山空感慨羊公湛輩兩消磨

哀江帥張常二首

關破壘猶堅傷心援不前生居諸將下死在衆人先憤
極拳雙握劍多體少金豈無人策應擁纛坐江邊

昔我居戎幕為侯論戰動齊旄
俄烜赫書札尚殷勤
國難忠方見天高事未聞
九江殘部曲暗哭故將軍

瀑上值雨

絕頂嵐煙合危亭略見簷
不知山雨過但覺瀑流添
悲壯張瑤瑟迷濛展畫練
野人雙草屨來往任泥霑

懶

病入中年百事闌頽然一榻倦
衣冠客方接話俄辭起
書未終編已輟看架壞儘教花
卧薛砌荒亦任草侵闌
力求香火非無意疎散明知涉事難

送沈憫

致亭門人

建學多通顯何為尚布衣
不聞行聘久始悟設科非
落日君尋店深山我掩扉
幾時殘燭下重聽講精微

紫薇花

風標雅合對詞臣
映硯窺窻伴演綸
忽發一枝深谷裏
似知茅屋有詩人

書第一考

遙領叢祠又一年
何功月請水衡錢
江南塞北雖無分
林下山間尚有緣
兵去未妨行酒令
印收不礙掌詩權
祇嫌海嶠登臨少
夢繞朱陵紫蓋邊

送鄭君瑞知閩清

茲邑猶淳古君行作長官假令三尺密終有一分寬粟
里歸差易桐鄉愛極難千峯青繞郭暇日相凭欄

猫捕燕

文采如彪膽智非畫堂巧伺燕雛微梁空賓客來俱訝
巢破雌雄去不歸鶯閉深籠防鷲性蝶飛高樹遠危機
主人實在花塹上飽卧徐行自養威

次方寺丞方湖韻

晚來吉語到茅椽太華詩翁約泛蓮况有鄒枚同預燕
可能李郭獨如仙帝猶給我還山俸天不需人買月錢
揮手闔門冠蓋客急歸勿攪甕間眠

鄰家孔雀

初來毛羽錦青葱今與家雞飲啄同童子有時偷剪翅
主人常日少開籠嶠南歲月幽囚裏隴右山川夢寐中
因笑世間真贗錯繡身翻得上屏風

荅傅監倉

少豪頗似括談兵老去方慙理未明窓下殘書千遍讀
卷中一字幾回更撚髭人盡嗤吾拙敢血誰當豫此盟
肯啖菜根抄脫粟許君十載共經營

蟾蜍硯滴

鑄出爬沙狀兒童競撫摩背如千歲者腹柰一輪何器

較餅嬰小功於几硯多所盛涓滴水後世賴餘波

讀崇寧後長編二首

自入崇寧政已荒由來治忽繫毫芒初爲御筆行中旨
漸取兵權付左璫玉帶解來效貴倖珠袍脫下賜降羌
諸公日侍釣天譙不道流人死瘴鄉

陳迹分明斷簡中纔看卷首可占終兵來尚恐妨恭謝
事去徒知悔夾攻丞相自言芝產第太師頻奏鶴翔空
如何直到宣和季始憶元城與了翁

午牕

恩賦支離粟一囊午牕卧看世人忙東家學究窮於我

六月褒衣上講堂

書感

仲尼已沒世無師新學專門各自私死守不爲它說勝
祕藏似恐外人窺欲招程子看通典兼起歐公講繫辭
浩歎邇來耆舊盡緒言分付與羣兒

答客

誰謂貧難忍三年閉戶居老兵能令藥小僕會抄書白
髮羞彈缺青山去荷鋤既於吟得趣功業合棄除

印杖

珍重印山鶴膝杖十年南北慣携持扶登石壁寧嫌

拄過溪橋首避危昔涉畏途屢不去今行平地棄如遺
主人尚要防衰老會有重拈入手時

寄泉僧真濟

師邃於鑿者聞諸諫議然若非禪性悟必有脈書傳藥
貴逢人施方靈尅日痊西風鉗錫冷儻肯訪沉綿

羊毫筆

拔到髯生族多因兔穎稀只宜茅舍用難向玉堂揮弄
翰虛名似吹毛本質非兒曹貪價賤鷓鴣掃如飛

空村

棄置在空村浮名豈復論因思戎服窄方悟緼袍尊城
遠雞司曉家貧太守閭常怜劉越石辛苦戍井門

題齊壁

浩如煙海積如山紙上陳人叫不還白首書生無事業
一生精力費牕間

題繫年錄

炎紹諸賢慮未精今追遺恨尚難平區區王謝營南渡
草草江徐議北征往日中丞甘結好暮年都督始知兵
可憐白髮宗留守力請鑿輿幸舊京

晚出

曉出別村幹夜深徒步歸飯猶懸早稼衣尚在鄰機閑

塞秋防急田園歲入微嗚然投棄歎事與人違

伏日

屋山竹樹帶踈蟬淨掃風軒散髮眠老子平生無長物
陶詩一卷枕屏邊

自警

筆枯硯燥自傷悲文體全關氣盛衰倚馬縱難揮萬字
騎驢尚足課千詩奉盤誰可推盟主撼樹人方謗老師
疑有更深於此者入山十載試精思

詠鄰人蘭花

兩盆去歲共移來一置雕闌一委吾我拙事持令葉瘦
君能調護遣花開隸人挑蠹巡千匝稚子澆泉走幾迴
亦欲效顰耘小圃地荒終恐費栽培

夏夜

熱極不可度起行林影中開窗需過月移簾就來風豪
鼠喧深夜高蟬響半空永言時物變露已濕莎叢

書田舍所見

漠漠晴埃起遠疇占相雲日幾家愁細民方慮填中壑
巨室何心堰上流斬木由來基小農澆瓜誰爲解私仇
寧知送老茅簷下猶抱書生畎畝憂

郊垌

所住在郊垌田園事遍經溪溝晴後塞高壠雨餘青屋
澗鄰翁富祠新社鬼靈南州無酒禁十戶九旗亭

客過

客過柴門歎寂寥旋挑野菜拾風樵無錢輟贈開衣笈
有病來求探藥款偶煎荒郊思種樹每逢斷澗欲營橋
書生一念終迂闊猶閱蒼黔與肖翹

孟浩然騎驢圖

壞墨殘縑閱幾春灞橋風味尚如真摩挲只可誇同社
裝飾應難奉貴人舊向集中窺一面今於畫裏識前身
世間老手惟工部曾伏先生句句新

有興

有興駕柴車無心起草廬淺傾家釀酒細讀手抄書門
巷慵耘草園籬課種蔬雖非黃叔度未易得親踈

聞笛二首

少年毬馬逐秋風笛起連營響裂穴今夕夢回村墅冷
一枝孤奏月明中

初如廢將哭窮邊又似孤臣訴左遷何必謝公雙淚落
野人聽罷亦凄然

健忘一首

昏昏健忘廢專精默坐空齋忽自驚少作回看如兩手

舊書重讀似前生却疑安世知三篋不曉睢陽記一城
莫怪詩成呼燭寫曉窻追憶欠分明

宿庄家二首

初秋風露變偶出憇庄家原稼無全穗陂荷有晚花踈
鍾踰澗響微月轉林斜鄰媪頭如雪燈前自績麻
茅茨迷詰曲度谷復踰陂世上事如許山中人不知牛
羊晴卧野鵝驚晚歸池粗識爲農意秋輸每及時

妄想

妄想如冰已盡消朱顏日向鏡中凋玉闕萬里曾投筆
草市三家却負樵弱水古來無路到小山歲晚有人招
吾廬寂寂何須笑君看閑僧住退寮

白社近客一首

貧食官倉不自由強扶衰病坐荒郵送迎不是祠官事
偶見青山急下頭

七月九日二首

海激天翻電雹噴蒼松十丈劈爲新湏更龍卷它山去
誤殺田頭望兩人
樵子俄從間路廻因言溪谷響如雷分明兩怕城中去
只隔前峯不過來

夢賞心亭

夢與諸賢會賞心恍然佳日共登臨酒邊多說烏衣事
曲裏猶殘玉樹音江水淮山明歷歷孫陵晉廟冷沉沉
曉鍾呼覺俱忘却獨記千門柳色深

郊行

一雨餒殘熱忻然思杖藜野田沙鷗立古木廟鴉啼失
僕行迷路逢樵負過溪獨遊吾有趣何必問栖栖

懷友

老鶴孤飛久失羣天涯懷友寸心勤狂生似臆寧堪近
佳士如香故可熏無復拏舟乘大雪有時倚杖送停雲
秋來遯草深三尺誰伴青燈緝舊聞

牢落

牢落吾何恨先賢未免窮寧爲田舍子不作國師公螢
影穿窻隙蛩聲出壁中殘書殊有味讀到角吹終

跋方雲臺文集二十韻

文人何瑣碎夫子獨雄尊擊水移南海追風出大宛黑
潭龍怒起碧宇鶻孤騫翁勿自波濤湧須臾電雹奔筆鋒
山突兀墨瀟雨傾翻軒豁青天露淒迷白晝昏至微該
草樹極大括乾坤金鼓條侯壁旌旗渭上屯聚如羣玉
圃散似建章門覽岱親臨頂窮河直至源檄書傳絕漠
詩句落中原猛虎堪鬚捋脩鯨可氣吞寂寥時數語浩

蕩或千言神與經營力誰窺斧斲痕流行通象桂模刻
遍湘沅欲揀皆逢寶將交不見繁居然開突屢詎肯聞
離藩坎井疑天大溪流笑海渾不妨兒輩撼姑付後人
論拙詠雖卑弱因公儻並存

雲

農家望汝卜年豐似絮如峯陟不同縱有濃陰工閣雨
略無定態喜隨風往來與月爲仇敵舒卷和天盡敵蒙
安得竦身騰汗漫叫開閭闔掃長空

機冠

羽士過門賣新翻樣愈竒堅如龜屋製精似鹿胎爲印
杖扶相稱唐衣戴最宜笑他蟬冕客憂畏白髮須眉

方寺丞招宿瀑上不果

久與瀑泉踈勞公下檄書極知居陋巷不似宿精廬奴
客辭看犢鄰人畏借驢何時兒子壯聊爲舉籃輿

詩境樓觀月

人世應無第二樓暮雲飛不到簾鈞未開寶鑑青冥裏
先湧冰輪碧海頭白似雪濤翻赤壁壯如夜日出羅浮
酒醒何處吹橫玉徑欲乘風萬里遊

野望

稍有西風起孤筇挾自隨名山多著寺古木必爲祠鳥

過投林急推歸度嶂逢相尋惟有月搔首待移時

西淙山觀雨

與客同登萬仞崖蔽天風雨暮然來六丁白晝誅炎魃
百怪蒼淵起螫雷毒蟒噴時林盡黑怒龍裂颶石中開
吾生不及觀河決得賦斯遊亦壯哉

宿山中十首

城中人恠我清旦買芒鞋君若知其趣還應日日來
玉轡上沙堤金鞍戍磧西何如寒澗底落日蹇驢嘶
就泉爲碓屋索石作書龕有意耕汾曲無心起水南
市脯店猶遠刈芻人未歸夜深語童子且掩半邊扉
路危防陟遠溪黑阻窮深涼月如高士頻招未出林
崑僧殊好事絕頂廟龍君勿笑一泓水能生六合雲
崖居供給少不用大防籬只恐偷兒點來窺壁上詩
山中無價寶月色與泉聲莫向貴人說將爲有力爭
玉筋篆文古銀鈎楷法精得知千載下時有打碑聲
淒風轉林杪露坐感衣單不道山中冷翻憂世上寒

七月二十日自瀑上先歸方寺承遣詩夸雷雨

之壯次韻一首

成裏遙看雨出時想公筆墨發雄奇山深龍虎飛騰變
海運鯤鵬瞬息移面面前鋒如赴敵堂堂迴勢似歸師

驅還始悟山靈意怕向蒼崖寫惡詩

秋望二首

暮色蒼然上野臺廢塘尚有數荷開望中愛殺城南柳
只怕霜風一夜來

舍南舍北種芙蓉及到秋來次第紅自是詩人才思窘
清風明月有何窮

村校書

短衣穿結半瓢空所住茅簷僅蔽風久誦經書皆默記
試挑史傳亦旁通青燈窗下研孤學白首山中聚小童
却羨安昌師弟子只談論語至三公

聖賢

聖賢自牧極卑謙後學才高膽力兼悔賦不妨排賈誼
謗詩遂至劾陶潛事見政和御史章疏取人最忌規模狹絕物常
因議論嚴君看國風三百首小夫賤隸採何嫌

懷李敬子

此士今徐孺柴扉肯妄開空聞羔鴈去不見鳳麟來廬
阜尋僧出東湖赴講迴何由操杖履林下再相陪

華嚴知客寮

簷外蒼榕六月秋小年來此愛深幽壞墻螢出如漁火
古壁蜂穿似射侯涉世昏昏忘舊話入山歷歷記前遊

故人埋玉僧歸塔獨聽鐘起暮愁第四句亡友詩作所作今補足之

聞黃德常除德安倅

幕下相從若弟兄當年曾悔誤談兵足行江北生重跡
髮爲山東白幾莖病擁琴書專一壑老携檄筆赴孤城
暮雲不見關山路空有天涯故舊情

閑居即事

性偶安林藪元非慕獨清米從仁祖乞粟是伯夷耕廢
井通鄰汲深墻隔鄰聲却因虛澹極亦自覺身輕

自勉

海濱荒淺幼無師前哲藩籬尚未窺玄誅易流西晉學
苦吟不脫晚唐詩遠僧庵就勤求記亡友墳成索索碑
天若假余金石壽所爲詎肯止於斯

少日

少日關河要指呼晚歸田里似囚拘氣衰不敢高聲語
腕弱纔能小楷書座有老兵持共飲路逢醉尉避前驅
子元兄弟何爲者自是嵇康處世疎

貧病

默默守柴荆人間事頗更病方知養性貧始欲謀生尚
有狂奴態元無老婢聲邇來塵慮盡勿怪小詩清

示同志一首

滿身秋月滿襟風敢歎栖遲一
卷中除目解令丹竈壞
詔書能使草堂空豈無高士招難出曾有先賢隱不終
說與同袍二三子下山未可太匆匆

後村居士詩卷第四

後村居士詩集卷之五

詩南嶽舊藁

和方孚若瀑上種梅五首

仙翁小試春風手高拂茅簷矮映窻選勝多依巖罅種
雙竒或併樹身扛海山大士寒蒙衲月殿仙姝夜擁幢
商略此花宜茗飲不消銀燭綵纏缸

其二

天賜梅花爲受用纈紛玉雪被層瓦素芳林下超群品
繁蕊枝頭巧疊瓊隴月照時霜翦澗風吹處水淙淙
主人筆力迴元化催發何須杖鼓腔

其三

瀑映梅花何所似蚌胎蟾彩浴寒江夢回東閣頻牽興
吟到西湖始豎降雪屋戀香開紙帳月窻憐影掩書缸
若將漢晉間人比不是淵明即老龐

其四

百匝千回看不足管他急雪濺奔龍瑤林錯立明梁苑
寶璐橫陳照楚邦愛殺嚼芳仍嗅藥吟狂哆口更踈厖
曉來翠羽驚飛去應爲煙鐘樹杪撞

其五

欲賦梅花材藻盡無公分生意到枯椿鉅題昔只韓聯孟

妙手今惟羿愈逢守穀尚煩看木虎護花難少吠離虎
丹崖翠壁宜揮掃止要遊人筆似杠

再和五首

先生多在山中宿為愛橫斜影上窓出髮僧從深澗徙
頰有奴過別峰扛和羹宰相調金鼎止渴將軍擁碧幢
空谷不知如許事沽來村酒且開缸

其二

厭看花開平地上故攀絕磴履危屐即方靜女尤專一
韻比高人更少雙堪伴愚公居北谷宜借漫叟隱南宗
素標尚恐詩輕媒敢犯人間曲子腔

其三

手選千株高下種似行庾嶺泛湘江只銷一朶南枝拆
盡受群花北面降自愛空山吹縞袂絕羞華屋照銀缸
主林神禁人殘毀深夜應無斫樹龐

其四

絕巔歲晚無人到但見山風激嶺瀧高齋恍如珠照乘
深葩還似質迷邦巢居公未甘枯槁鼎寶朝方起碩庵
詩在簡齋和靖裏追攀真以寸筵撞

其五

杖屨暇時常檢點細分枝幹數株椿試呼童子調霜弄

絕勝奴兵播曉逢色映巖松寒引鶴根連園祀夜聞笙
社中作者銛鋒穎甘豎降幡束短杠

賦西涼瀑布得斷字

蒼山七百畝主人新買斷于時積霧開素瀑掛青漢冷
泠瑟初鏗璀璨珠乍貫夕晴雨瓢翻忽暖冰柱泮恍如
白浪湧翔舞下鳧鴈又疑黃河決崇祭沉玉瓚不然蟒
出穴或是虹吸澗客言下有潭龍伏不可玩攫拏起雲
氣噴薄蘇歲旱平生愛竒心欲此築飛觀沿流踏淺清
陟巘騰汗漫低頭拜主人分此華山半

送陳寺丞守南劔

詔免延英對輕裘見吏民極知忙採旱豈是急頒春邑
為搜空壤州因獻羨貧此行休戚係未敢賀朱輪

送丁元暉知南海

不用急符催先行要看梅歲時親祭海休沐必登臺鮑
井聊供飲韓碑待拭苔遙知蠻俗喜令尹帶琴來

醫

脉差死活懸三指灸誤風孳廢四支寧餌生金殮野葛
有身不可試庸醫

哭襄山覺初長老

豈謂茶毗速龕前一愴情空留尊宿貌難問小師名骨

已迎歸塔衣多唱入城百年如此過何異不曾生

又

雪峰寺裏曾相識面皺顏高五十餘削髮入山叅最久
白頭出世瘦如初覺心不共真身壞遺偈猶能戰手書
何必塔銘并語錄吾詩自可表幽墟

題鍾賢良詠歸堂

水心為賦詩

細繹華堂扁徵君志可知策弘無聖詔與點有明師忽
枉賢良刺頻需拙惡詩續貂吾豈敢淚落水心碑

挽李端

要識君操履全如字畫真病能妨獻賦窮不廢修身月
旦推先輩春官失此人如闕埋玉速里巷共酸辛

黃檗寺

猶記垂髫到此山重遊客鬢已彫殘寺經水後增輪奐
僧比年時減鉢單絕叡雲興潭影黑疎林霜下葉聲乾
平生酷嗜朱翁字細看荒碑倚石欄

和西外趙知宗

斤妙斷如神源深汲愈新岱宗疑有趾海若忽無津傳
遠須公等鑽堅盡此身平生師友意非為雨中巾

悼秦鑿

敢曉陰陽證於身獨不靈有妻持舊肆無子學遺經

蝕抄方篋莎生睡藥庭城中豎絕少堪惜爾彫零

十月二十二夜同方寺丞宿瀑庵讀劉賓客集
暴山木落霜寒夜共讀吾家夢得詩坐對遺篇忘漏盡
手遮殘燭怕風吹森嚴似聽元戎令機警如看國手棋
千載愚溪相對壘未應地下友微之

久旱即事

賜烏下飲百川空民自祠龍禱社公豈是長官渾忘却
水車聲不到城中

其二

輸租常占一村先不望明時舉力田老畏里胥如畏虎
敗人詩思撓人眠

送楊休文

初驚字與隱侯同徐讀文編始歎工似倩麻姑抓背癢
能令孟德愈頭風玄機固已超三昧副本何因爲一通
消得劉君詩送路西歸未可嘆囊空

哭陳鑰主簿

不但心孤介生形已恠竒在爲官長罵沒使邑人思魂
遠鄉猶隔名微世未知空存朋友誼到此力何施

傳諫議和予所贈傳監倉詩復用前韻

諫草如山不論兵當年出處最分明中朝安可無耆舊

故事猶應問老更敢與鳳毛評句法素知牛耳執文盟
詩壇亦合先生築遙望偏師已拔營

宿別瀑上二首

十里荒荆手共開殘痕歷歷在青苔山中猿鳥愁予去
爭問先生幾日回

其二

兩日相踈鄙吝生今當遠別若爲情夜窻看到千峯黑
枕上猶貪落澗聲

初宿囊山和方雲臺韻

客游萬里踐霜冰旦旦披衣坐待明累忝功名成未易
跳丸歲月去堪驚即今紙被攜尋宿當日油幢聽報更
賴有雲臺公好事追程來送老門生

白鹿寺

歲晚霜林落葉稠攜家來作鹿門遊偈言恍似前生說
詩藁猶煩侍者收身上征衫拋未得山中靈藥採無由
十年不獨行人老入定高僧白盡頭

謂長老洪公

荅婦兄林公遇四首

霜下石橋滑蛩吟茅店清夢迴殘月在錯認是天明

其二

恨余行李速愧子酒杯長日暮于誰屋天寒陟彼岡

其三

自笑如窮鬼相從不記年每煩詩餞送不止辦車船

其四

挹君如玉雪未易得親踈何日深山裏同燈共讀書

發枕峯

蒼顏奉辟書嚴裝犯蕭辰豈不謀出處歲儉水菽貧
黑投山中明發趨江濱漁父隱者歟葉舟方垂緡相逢
飄然逝似笑來往頻白鷗我同盟青山吾故人即之欲
與言邈若不可親昔迎歸軒喜今見行囊嗔素願悵未
諧抱慙然此身先賢遠志喻千載猶如新

嵩溪驛

舟子初辭去風吹薄酒醒一莖新鬢白數點晚山青
潦倒彈長鈇荒涼宿短亭鄰鷄空喔喔不似昔年聽

環翠閣

閣上有宣和二陸詩

大陸題詩小陸和寶鞍畫戟傳呼過兩片頑碑未百年
已有牧兒來打破

崇化麻沙道中

經行愛此人煙好面俯清溪背負山半艇何妨呼渡去
小橋不礙負薪還遠聞清磬來林杪忽有朱欄出竹間
深處安知無隱者卜鄰容我設柴關

過劉尚書墓

楚人葬邵武

士林方卜道窮通一日騎鯨萬事空
唯下有人師董相墓傍無客哭
喬公白頭稍得談經力青簡尤高絕
幣功尚記長衣橫塵柄今看華表立西風

謝墳

一月山行未有梅曉來戲着小詩催
謝家墳寺更衣處初見墻西半樹開

大乾記夢

辛酉年夢予方十三

昔夢游湘水琴書寄葉舟安知三十載
真作夢中遊

館頭

雨雪瀟瀟驛堠長不堪流潦入車箱
撫州城外黃泥路即是人間小太行

發臨川

始予卅角來家君縮銅墨縣齋多休暇
縣圃足戲劇雖云嗜梨栗亦頗窺簡冊
弟妹俱孩幼親髮方如漆後予捧檄至
軒蓋候廣陌於時志氣銳門戶况烜赫
郡花照席紅湖柳拂鞍碧耆老互問訊
酒餼紛狼籍今予挑包過城郭宛如昔
高年凋落盡滿眼少朋識管子仕瘴煙
岳叟掩泉窆葦門訪舊師目闇面黧黑
買醪與之酌往事誰歷既生異縣感復起
故鄉憶吾翁墓草深高堂

已斑白貧居滄隨空遠遊溫清隔二季官海濱女子各有適曾杲如阿奴碌碌在母側回思盛壯時去矣難復得因成臨川吟吟罷淚橫臆

曾景建自臨川送予至豐城示詩為別次韻

追程送我劔池邊疊々清談晉宋前豈意白頭趨幕日
廼逢紫氣出關年夜深續炬俱忘寢地冷吹薪久未然
臨別祝君加帽絮高峰雪後尚童顛

自撫至表連日雨霰風雪

窮臘天地閉雲氣匝野垂何況表撫間積潦盈路歧寸
累拔寸步一堦費一時忽跌落深淖有似鳥著糲寒日
已西匿游子方南馳孤店渺煙際僮馬飢以羸霏々雪
沒骭憊々風裂肌古人貴遺體不肯臨深危兒行風雪中
慈母安得知終當投絃去重補南陔詩

安仁驛

偶向溪邊洗客塵數株如玉照青蘋淒風冷雨分宜縣
賴有梅花管領人

萍鄉

聞說萍鄉縣家家有絹機荒年絲價貴未敢議寒衣

牛田鋪大寒萍鄉境內

暝色蟠空起獍飈激地吹漸看雲布濩稍有霰紛披

軟初飄瓦輕輕已點墀居人朝未竟客子夜先知巧似
莊嚴就勻如剪刻爲充庭冰氏喜縞戶染人疑灑密苔
絨遍擊多樹壓垂高峰迷頂踵遠渡失津涯窘鬼低蹲
草僵禽默墮枝馬難分牝牡烏不辨雄雌倏忽斜還整
冥濛合又離半埋官路堠亂打寺廊碑猛勢欺袍絮絮
光照鬢絲店荒歌盡閉橋滑步尤危破釜羹霜菜殘炊
燎濕其廢粧憐婦怯露盃笑兒癡乍起毛比皆蝟深藏手
亦龜大驚鄰吠急鷄噤野鳴遲偏帶南轅路翻思北戍
時旌旗明鴈塞刁斗亂鵝池呵筆堪飛檄收燈可覆棋
暮營蒙虎卧曉獵臂鷹隨浴鐵成何事披蓑自一竒空

山吟忍凍窮巷嚙充飢授簡悲才退烘衣感氣衰稍欣
茅瘴薄已蒼麥畦滋病怕村茶冷愁嫌市酒醜帶間三
十韻聊補昔人遺

醴陵客店

縣郭依稀隔渡頭解鞍來倚店家樓已攀桂樹陰招隱
因看梅花賦遠遊市上俚音多楚語橋邊碧色是湘流
直南鄉國三千里目送羈鴻起暮愁

湘潭道中即事

敗絮龍鍾擁病身十分寒事在湘濱若非野店粘官曆
不記今朝是立春

其二

讎鼓夔夔廟門可憐楚俗至今存屈原章句無人誦
別有山歌侑桂尊

謁南嶽

中原昔分裂五嶽僅存一嗟余生東南有眼乃未覲清
晨犯寒慄馬上青麻蔭怪雲何處來對面失齒率牛投
勝業寺僧訝余不憚茗餘因獻朝君定非韓匹彼來旣
軒露君至若封鐫余謂僧無躁茲可以理詰止僧坐悅
亭靈鷲忽冰釋石廡先呈身岫嶺俄見脊須臾天柱開
最後祝融出高峰七十二固已得彷彿鄴侯何嘗死懶
殘元非寂恍疑在山中明當往尋覓咄哉三尺雪孤此
一雙屐駕言欵靈瑣樓堞見丹赤柏深不見人畫妙如
新筆珠櫛十娉婷彈碁撫瑤瑟茫茫鬼神事荒幻難究
悉吾師太史公江淮徧浪迹茲焉又浮湘汗漫恣遊陟
雖然之毫端亦頗增目力規摹五字體蟠屈萬丈碧詩
成投褚中何必題廟壁

勝業寺

寺創於何代問僧皆不知槎牙夏后栢殘缺柳侯碑雪
過禪堂冷冰餘嶽路危上封猶未到太息負心期

發嶽市三首

嶽下無耆老何從訪舊聞不知紫巖蒸更隔幾重雲
明仲竄蠻煙欽夫棄妙年空令後死者有淚滴遺編
昔者監香火今焉裂芟荷祝融應冷笑還肯再來麼

湘江六言

屈賈死將千載劉君來泛湘江沽酒偶留村店看山不
扶船窻

煙竹鋪

野迥村踈起暮寒偶逢廢驛卸征鞍主人家比漁舟小
客子房如鶴柵寬燈與鄰通眠未易風從隙入避尤難
似聞南去加蕭索一夜披衣坐不安

衡水道中二首

一舍常分作兩程雪鞭雨袖少逢晴平生不識終南逕
來傍湖南堠子行
過了衡陽鴈北迴鄉書迢遞託誰哉嶽山石鼓皆辭去
惟有湘江作伴來

黃熊嶺

黃茅迷遠近不見一人行信步未知險回頭方可驚路
由高頂過雲在半腰生落日無棲止飄飄自問程

祁陽縣

入境少人煙寒江碧際天小留因買石父立待呼船箇

起漁汀上鷗飛縣郭前若無州帖至令尹即神僊

零陵

盃園曾識零陵郡今日方知盃未如城郭恰臨瀟水上
山川猶是柳侯餘驛亭幽絕堪垂釣巖室虛明可讀書
欲買丹溪三畝地手苦茅棟徑移君

深溪驛

去廣右界一程

苔滿朱扉半闔開更無人跡獨徘徊湘江臨別如相語
早買扁舟出嶺來

全州

寂寂全州路家家荻竹扉異僧留塔在過客入城稀傳
舍臨清泚官亭占翠微沙頭泊船者多自嶺南歸

炎關

亦名嚴關

關北關南氣候分雪飛不過古來云若非曾發看山願
老大何因入瘴雲

秦城

缺甃殘磚无处尋當巢築此慮尤深君王自向沙丘死
何必區區戍桂林

未至桂州葉潛仲以詩相迎次韻

柘岡西路別君時幾見天涯柳弄絲橫草壯心空忼慨
覆蕉殘夢懶尋思羞將白髮趨新府却憶青山領舊祠

猶有南來奇特事馬頭先得故人詩

遊水東諸洞次同遊韻二首

桂山前未到今日是初游招鶴登青巘呼龍俯碧湫深
蹊通秉炬小竇劣容舟豈敢輕題詠同官盡柳劉
舊聞巖洞勝欲往自髫年聳秀過靈隱幽深似善權遠
環州堞外近獻屋簷邊倘有登臨約甘爲子執鞭

春日五絕

眼邊桃李過匆匆鏡裏衰顏豈再紅久覺胃寒踈建焙
新因血熱戒邯鄲

步入西峯不見人數聲澗鳥自啼春下山欲與唐碑語
先遣奴兵細拂塵

歸到城門欲發更馬頭惟有暮鴉迎小窻了却觀書課
幾首殘詩旋補成

老懶何心更出嬉閉門終日讀陶詩湘南二月花如掃
恰似扶踈遶屋時

曉風細細雨斜斜儂憇昔生屋角花想見水南僧寺裏
一株落盡病山茶

嘗家洲二首

來訪唐時事荒洲暮靄青遍生新草棘難認舊池亭毀
記欺無主存祠怕有靈今人輕古迹此地少曾經

裴柳英靈渺莽中，鶴歸應不記遼東。遺基只有蛩鳴雨，
往事全如鳥印空。谿水无情流澗澗，海山依舊碧叢叢。
斷碑莫怪千迴讀，今代何人筆力同。

舜廟

粵俗安知帝遺祠，亦至今青山。人寂寂，朱戶栢森森。雨
打荒碑缺苔封，古洞深。曾聞張侍講來，此想韶音。

得家訊

不覓離鄉久，南來驛使踈。羈臣一掬淚，慈母兩行書。租
稅聞輸畢，田園說歉餘。何時真官達，處處奉潘輿。

上巳與二客游水月洞分韻得事字

勝踐造物慳，貧交世情棄。昔戒十客來，旦無一人至。惟
余暨兩君，鼎足坐水次。歡言天氣佳，誰謂風土異。高吟
雜騷選，序酌逮髮禔。滌厓去惡詩，捫石認缺字。古來幾
襖飲，傳者纒一二。蘭亭感慨多，未了生死事。杜陵更酸
辛，窮眼眩珠翠。旨哉茲日遊，超然遺塵累。消搖千載後，
尚有浴沂意。巖扉滑如玉，歲月可鐫識。

出城二絕

日日銅瓶插數枝，瓶空頗訝折來稀。出城忽見櫻桃熟，
始信无花可買歸。

小憩城西賣酒家，綠陰深处有啼鴉。主人歎息官來晚，

謝了醪醑一架花

三月十四日陪帥鄉出遊

未出堯山雲旣出雲徐開君侯與天通造化力可回駕
言訪巖扉群彥森然陪旗鉞映川原加吹喧蒿萊掃石
坐夷曠捫葛窺崔嵬訾洲久蕪沒草樹皆新培范張數
君子遺刻蒼蘚埋方羊不忍去返照明千崖沙禽就栖
宿絲鷁猶泝洄眷焉宇宙間此樂何常哉鄴都會應劉
梁園命鄒枚主公富貴人襟抱尤雄猜當年篇翰存往
往鄰俳諧英英大都督羔鴈招遺才雲煙生妙筆冰雪
懸靈臺况復是夕霽素魄海上來一碧九萬里空洞無
纖埃臨風惜飲量孤負黃金壘座中盡文豪授簡奚徘徊
吾詩固拙速聊爲石生媒

武岡葉使君寄詩次韻二首

詞客紛紛載後車誰能遠寄病相如雙旌已拜湖南牧
尺素猶題嶺外書詩句騎驢游蜀後情懷賦鵬弔湘餘
似聞闔郡春風暖便擬移家占藉君

北戍逢君歲建寅豈知今作落南人瘴來客病鄰山鬼
舶去鄉書託海神目送飛鳶偏戀土夢隨昼隼共行春
謝家兄弟如雙壁交契寧非有宿因

移居

庭下舊被樹花開玉露凝主人明日去相對似含愁
隣曲無還往何由有別情惟應小牕月長記讀書聲

吊錦雞一首呈葉任道

炎州產文雞毛羽固天稟朱丹飾尾距綵繡錯襟衽主
人極珍憐鬪合分俸廩置諸後園中小奴司啄飲地荒
籠柵踈客見輒危慄黠狸出沒精豪鼠窺伺稔諒垂彼
饑涎或矚君高枕駭機中夕發果以斃來詗裂冠首立
碎齧唳聲已噤酷哉三尺喙殘此一段錦長嗟命瘞埋
詎忍付育飪始爲文采累終欠智慮審老瞞戕孔公千
載憤凜凜黃祖殺処士麤暴犯流品况茲毒鷲物尤索
防閑甚善視雙翠衣夜涼勿嗜寢

哭孫行之二首

已了燈窻債心知舉業非立朝多諫草取友必深衣
藎苑貧時共書筒貴後稀病身偏惜淚一爲故人揮
世上高科衆君尤自貴珍如何一夕裏忽盡百年身
雙旄齊眉友孤燈擁髻人傷心惟孟母頭白送歸闈

即事

嶠南氣候異中州多病誰令作遠遊瘴土不因梅亦濕
颼風能變夏爲秋方眠壞絮俄敷簟已著輕絺又索裘
自歎幻身非鐵石天涯豈得久淹留

楮樹

楮樹婆娑覆小齋更無日影午窻開一端能敗幽人意
夜夜牆西礙月來

象奔一首呈葉潛仲

小藝無難精上智有未解君看橘中戲妙不出局外屹
然兩國立限以大河界連營票中權四壁設堅械三十
二子者一一具變態先登如挑敵分布如備塞盡銳賈
吾勇持重伺彼怠或遲如圍莒或速如入蔡遠砲勿虛
發冗卒要精汰負非繇寡少勝豈繫強大昆陽以象奔
陳濤以車敗匹馬郭令來一士沒黯在獻俘將策勛得
雋衆稱快我欲築壇場孰可建旗蓋葉侯天機深臨陳
識向背縱未及國手其高亦可對徂捷敢饒先諱輸每
索再寧爲握節死安肯屈膝拜有時橫槊吟句法尤雄
邁愚慮僅一得君才廼十倍霸圖務并弱兵志貴攻昧
雖然屢尅獲詎可自侈快呂蒙能馘羽衛瓘足縛艾南
師未宜輕夜半防斫寨

送陶仁父

自古送行情味惡君行快似泛仙槎新班人少先投卷
下水船輕易到家南浦不堪看草色西湖尚可及荷花
諸公若問栖栖者爲說吟詩兩鬢華

書壁

綠衣蒲屨小綸巾四壁清風一榻塵誰謂先生貧到骨
百金新聘竹夫人

移竹

借居未定先栽竹爲愛疎聲與薄陰一日暫無能鄙吝
數竿雖小亦蕭森窻間對了添詩料郭外移來費俸金
自笑明年何處在虛簷風至且披襟

後村居士詩卷第五

後村居士詩集卷第六

詩南嶽舊藁

癸水亭觀荷花

執熱屏人事偃卧慵巾裳過門二三友失喜跣下床鳴
騶出華陌聯轡遵野塘崇軒俯萬荷濯濯涵波光都忘
瘴海中疑墮玉井傍遠無膏粉氣近有冰霜涼製葉可
以衣采的可以嘗離騷譜靈草品介列衆芳似曾識三
閭安肯肖六郎詞人更儂薄比詠猶妃嬙曷不觀茲華
意色和而莊風吹月露洗豈若冶與倡衆方慕絕艷誰
能參微香余詩縱枯淡一掃時世粧

棲霞洞

往聞耆老言茲洞深無際闇中或識路塵外別有世幾
思絕人事齋糧窮所詣棋終出易迷炬絕入難繼孤亭
渺雲端於焉小休憩憑高眺城闕擾擾如聚蚋盡捐滓
穢念遂有飛舉勢山靈媚清遊雨意來極銳濛濛濕莎
草浥浥涼松挂暝色不可留悵望巖扉閉

堯廟

帝與天同大天存帝亦存桑麻通絕徼簫鼓出深村水
至孤亭合山居列岫尊尚餘土階意樵牧踐離藩

五月二十七日游諸洞

來南百慮拙所得惟幽尋矧余玉璽友共此丘壑心江
亭俯虛曠冗室窮邃深是時薄雨收白靄籠青岑棄筇
追野步却扇開風襟炎方豈必好差遠鞀鼓音且願海
道清莫問神州沉徘徊惜景短留滯畏老侵昨遊感鶯
啣今至聞蟬吟常恐官事繁佳日妨登臨譬如逃學兒
汲汲貪寸陰何因釋膠擾把臂偕入林

泛西湖

桂湖亦在西豈減穎與杭丹橋抗崇榭綠波浮輕航休
沐陪勝餞軒蓋何煒煌停橈藕花中一目千紅裳詎知
白晝永但覺朱夏涼古洞半蕪廢仙人今在亡踞石散
醉髮吸澗澆唵腸延緣繚溪步詰曲經禪房野鳥啼密
竹高蟬嘒踈楊雖無絃管樂談論諧官商諸君敏於詩
援筆如蜚翔顧予乏華藻山鷄追鸞皇頗能讀古碑所
恨侵夕陽明發復擾擾前游未可忘

題許介之詩藁

益公稱其詩

我留鷺跼外君住鴈廼邊走僕行千里敲門授一編真
妍非粉黛室巧謝雕鐫何必周丞相男兒要自傳

慈氏閣

馬氏建

閣建五季時丹碧見層紮吾行半區中鉅麗莫與比想
方營綜時伯心極雄侈但思窮耳目寧論竭膏髓一朝

陵谷變飛電掃僭壘湘波日夜流不洗爭篡耻惟存淨
屠居願力久未毀夕陽吊陳迹危檻聊徙倚遙憐下界
熱蒿處涼如水若非逼嚴鑰坐待鐘聲起

脩然亭

每到闌干畔徘徊暮始還為憐鄰水寺盡見隔城山墻
繚青苔裏舟藏綠樹間松扉宜步月只是限重關

辰山

一峯疊三洞迺似弘景楼下洞初俯入蘚室寒颼中
洞忽躍出有逕通玄幽豁然崖谷判萬態誰鐫鏤或如
植寶幢或如綴珠旒或如鯢鯨飛或如龍麟游石橋狀
天台木棧疑蜀州稍憇大士巖遂經羽人丘力窮至上
洞身載雲氣浮未畢山水緣勉為塵世留平生避地心
茲焉宜菟裘長斧樵青壁短策耘綠疇獨恨沒路遠溪
澗皆背流會當逢異人卓錫成靈湫

千山觀

西巘林巒擅一城渺然飛觀入青冥于湖數字題華棟
陽朔千山獻畫屏境勝小詩難寫盡天寒薄酒易吹醒
獨遊不恨無人語滿壑松聲可細聽

曾公岳

廣室內嵌空層峰外巍嵬仰視駭懸石俯踐愁滑苔古

竇嵐肅肅陰澗泉洄洄飛梁跨其間上可陳樽壘夢涼
復畏濕當暑重裘來名岳者誰歟兄固弟子開憶昔建
中初國論幾一迴惜也祖荆舒卒爲清議排至今出牧
地姓字留蒼崖躊躇增慨歎日入禽聲哀

郊行

薄有西風意郊行得自娛山晴全體出樹老半身枯林
轉亭方見江侵路欲無何妨橋纜斷小艇故堪呼

秋日會遠華館呈胡仲威

嶺表豈必熱庚伏頻滂沱薄莫愿招要盆李參瓶荷君
侯如長松折節交藤蘿竒字識夏鼎古音彈雲和今日
素商至高屋涼意多夜清群籟息已有蛩鳴莎人生不
飲酒賢愚同銷磨拍手問湘纍獨醒欲如何謬承青眼
顧詎惜蒼顏酡客散我亦歸耿耿看斜河

老大

老大重登聘士臺客懷年落可曾開臨流往往看鳶墮
入署時時見馬來有約青山何日去無根白髮是誰栽
自嫌不帶功名骨只合眠莎與坐苔

伏波巖

懸崖萬仞餘江流繞其趾仰視不見天森秀拔地起中
洞既深豁旁竇皆竒詭惜哉題識多蒼玉半鏡毀安得

巨靈鑿永削崖谷取緬懷兩伏波往事可追紀銅柱成
浪泊樓船下湟水時異非一朝地去亦萬里山頭博德
廟今爲文淵矣謂予詩弗信君請訂諸史

詰猶

古人羨客乏車魚今汝何功客不如飯有溪鱗眠有毯
忍教鼠齧案頭書

八桂堂呈葉潛仲

金華丞相之孫

之子初度日畏客如避仇朱門禁入謁青山招出遊置
醴泉石間涼意生觥籌風檻絳華馥水盤丹實游起誦
眉壽篇酌君介千秋煌煌丞相孫少也宜襲侯黑頭去
云遠白髮來何稠君言權位盛孰若志意修靜觀鐘鼎
族起滅猶輕漚祝君象韓呂不羨熺與攸

挽聶孺人

平樂董令之內

已病猶蔬素西歸不復疑飛鳧踰嶺遠別鶴返鄉遲歲
史傳賢女巾幗付侍姬白頭潘令在應有悼亡詩

題胡仲威文藁

熟讀執事文恍如入寶山瑰異千萬種一一無可刪瑤
草旣俯拾珠樹亦仰攀美玉不知數照映穹壤間大者
中圭瓚小者堪佩環居然郊廟器胡爲委荆菅嗟余頗
識寶對之清涕潛攜眞郿屋內虹氣驚市闐常恐陽虎

輩竊去亡繇還何當變姓名袖出函谷關

戴秀巖

戴秀者兵卒也得道于此

茲巖視諸峰厥狀尤崢嶸舊為碧薛封新有朱棧橫
腰尚恐墜東炬劣可行外狹中乃寬始闇俄忽明仰窺
神魄悸俯顧形殼輕遂覽丹爐基微聞玉鼓聲源深足
力盡路黑雲氣生不辨晝夜分恍疑卅代更嘗聞學神
仙所得由專精豈吾諸名士羨彼一老兵欣然約同志
嗣此將尋盟安知無白鹿絕頂來相迎

寄左次魏二首

多謝齊安牧交情未闊踈方籌江北事肯寄海南書
幙交鋒處修城劫火餘別來各添歲筋力近何如
同事征西府聞君已繡衣小侵今視昔大捷是耶非

輿尸返偏裨奏凱歸六闕天樣險莫遣賊能飛

中秋湘南樓餞張昭州

臺使選良牧詔下帝曰俞高牙植華艦餞者來傾郭明
月滿麗譙寒光映尊壺桂人願少留昭人望疾驅一室
可為政况乃有國都嶺民日以耗丁口疆半無洋洋紫
雲詔侯其勒座隅道鄉游息處暇日披榛蕪鄙拙忝投
分臨風獨踟躕頗念友離索寧論鬼揶揄何繇扣鈴閣
百榼傾兵厨郡酒絕佳

榕溪閣山谷南遷
維舟榕下

榕聲所影一溪風遷客曾來繫短蓬我與竹君俱晚出
雨榕猶及識涪翁

哭譚戶錄二首

讀過書皆記非惟善屬文有名登進士無命作參軍白
髮行秋暑青衫殮瘡雲可憐膏火下虛費一生勤
曾次有千年囊中之一錢客來論旅殯官為程歸舡通
德梳新髮童烏拾舊編傷心隣巷裏廢宅鎖寒煙

風

風於天地間惟挂尤其雄將由巖竅多或是地形穹不
知起何處但竟來無窮浮埃晦白晝竒響激半空一怒
動旬浹小亦數日中城堞凜欲壓况此半畝宮嘗聞古
至人御氣猶輕鴻劉季晚可憐擊筑悲沛豐我老斷恐
怖眦身等枯蓬飄擲付大塊奚必分西東

觀射

浪箭束如林傍觀笑不禁亦坐平無事以卒惰可憂深各
自分牛豕何曾貫蠶心种侯清澗法能廢幾黃金

荔支巖

洞內小石如
荔支者无数

異境闕神竒一鐔通深咽呀然張蟾吻光恠腹中貯始
來尚覲面稍進但聆語如頭失塵世東緼行里所石房

客十客石柱徑丈許眠絜若將吠墜果疑可咀平生聞
化城今見玉樓櫓陟高旣趨捷循狹或偃僂忽逢路窮
颯淺浪隔洲渚心知仙聖居欲到無飛羽向非薪燭力
往返何異瞽重游僮米卜聊向詩中覩

再游棲霞洞

直路幽陰側路明玉爲墻壁靈爲城殷勤報有詩翁到
萬一仙人肯出迎

佛子巖

環郭洞府多所患在卑濕斯巖獨虛敞他境未易及穹
如層屋構廣可百客集開竇送雲出掃壑延月入穴居
倘堪謀徑欲老樵汲絕顛猶玲瓏苔磴不計級惜爲僧
所僦飛棟綠葉爰佞佛墮癡想明鬼趨陋習遂令登眺
者欲往足若繫何當一燎空盡見萬仞立

劉仙巖

絕頂來尋鍊藥蹤老仙端的是吾宗寄聲月白風清夜
定許相期第幾峯

龍隱洞

先賢評桂山推爾居第一豁然碧瑤戶夾以雙玉壁中
有無底淵黑浪常蕩涌諒當剖判初倍費造化力雷噴
斧山開龍怒裂石出至今絕頂上千丈留尾脊寧論兒

女子壯夫股爲慄我來欲題名腕弱墨不食摩挲狄李
碑文字尚簡質今人未知貴後代如寶惜湫流工駭舟
久游覺蕭瑟出室寬如家迴擢聊揭息狄武襄公平亦在
碑李師中待制

不頌
在焉
哭梁運管叔丞相克家之孫

憶共游山猶昨日奄歸白晝隔存亡宅深外不知何病
難雜人爭試一方弔客傷心同漑酒愛姬收淚各分香
望泚永相潭潭府今日門庭冷似霜

琴潭

山形若覆奩潭面如拭鏡竒哉几案物千古棄荒蔓了
無扳躋勞坐愜幽墊性泉湧黑難窮崖色碧相映闔深
畏龍蟄窺淺見魚泳可憐風水聲空山誰來聽我欲買
茲丘掃迹逃囂競未言葺苑齋先可理漁艇

清惠廟

來訪古祠宮迢迢過水東一條溪不斷數里竹方通巫
拜分餘胙商行禱順風粧樓空百尺半仆夕陽中

辰山道人

道人何爲者寒暑一破衫髮白且老態口訥稀冗談我
陪小隊來猿鳥窺層嵐道人方掩戶燕坐彌陀龕迎客
不下山送客不出庵即之疑槁木面目寒巉巖贈錢僕

然謝有若投諸潭微言歲計熟收芋已滿藍斯人未識
字豈必曾遍參所立偶自高可做伎與貧

玄山觀

宋之問別墅

來瞻石像看唐碑一徑蒼松映碧漪聞說宋公曾住此
寄聲過客細吟詩

榕溪隱者

榕溪有隱者幽事在溪曲治地可十畝方整如奕局始
行入荆扉漸進至茅屋樹之百盆蘭繚以萬竿竹解衣
越繁陰擁鼻參微馥主人聞客來引避若駭鹿却詢守
舍兒云已出賣黑壁間見其像條褐巾一幅安知非回
仙寄跡混塵俗矢詩慕高風君歸儻肯讀

禊亭

南軒所立

年年春草上亭基父老猶能說左司寂寞當時修楔處
一間老屋兩殘碑

自用臺亭韻一首

脫了荷衣事將臺霧留又見嶺梅開詩因癸水辰山作
訟自雷州電縣來架上書從人借讀墻邊竹是俸移栽
小窻睡起無情味閑聽飢禽啄砌苔

簦帶亭

上到青林杪凭欄盡桂州千峯環野立一水抱城流沙

際分漁艇煙中見寺樓不知垂去客更得幾迴遊

程公巖

石室外甚狹中廣如球場偉哉鉅麗居天造無棟梁嚴
冬既深燠盛夏尤虛涼偶至不忍去杖屨猶方羊人能
專此壑何必政事堂先須置禪龕次第營丹房煙霞入
几席塵土麾門墻學道縱未得著書亦可藏

哭林推官

晉之

去歲衝寒赴辟時感君騎馬遠追隨一春不得梅花信
萬里空題薤露詩小簡佩壺邀士友大鑪煮粥活流移
平生二事尤堪記應有名公與撰碑

鵲

久不聞烏鵲朝來噪不休殊鄉無喜事應爲買歸舟

榕臺二絕

拔地高崖如鐵色拂天老樹作寒聲他年記宿榕臺夜
便是南歸第一程

囊無金累貧如故鏡有絲生老柰何一事尚堪誇北客
來時詩少去時多

巖關新洞

羽客初尋見因於此葺廬未能平險峻先擬架空虛磴
路樵相引山名尉自書看來臨驛道未必有仙居

乳洞

千峰夢裏尚崔嵬不記青鞋走幾迴天恐錦囊猶欠闕
又添乳洞入詩來

發湘源驛寄府公

走本山人感激趨燕臺謬辱弓旌招愧乏謀議陪先
生如春風盎然嘔陳荻曉入開玉帳夕話扁鈴齋下榻
驚一府撰杖窮千崖豈曰君蓄後實惟子視回歲晚謀
北轅淒其難爲懷欲言先死結旣決猶徘徊是日戒行
李送者皆鄒枚兵厨遺珍餉祖席羅寶釵下令許卜夜
寧畏街鼓催詰旦枉耳蘇山亭陳金壘都人如堵墻謂
我何榮哉未聞從事去親致元戎來繾綣談至夜霜月
照露苔長跪抱馬足離緒烏能裁麗譙落天杪悵望空
倚桅昔人死知己骨朽名不埋公有管樂姿愚非溫石
才他時倘後彫安敢忘栽培

鐘甬

史祿渠至此分水

世傳靈渠自秦始南引離江會湘水楚山憂赭石畏鞭
鑿崖通塹三百里篙師安知有史祿割牲沈幣祀瀆鬼
我舟閣淺懷若人要是天下奇男子只今渠廢無人修
嗟乎秦吏未易訾

書堂山

柳開守備湘讀書處

子厚文章宗仲塗豈後身不肯作崑體寧來牧湘濱誅
茅翠麓顛日與書卷親刻去五季衰挽回六籍醇歐尹
相繼出孤唱繇伊人風流喟已遠尚喜棟宇新千峯高
叢叢一江碧粼粼禽魚既草樹纖悉几案陳澗泉既可
汲山木亦可薪孰讀壁間藏痛掃毫端塵勗哉山中友
勿厭泉石貧

湘中口占

少年裘馬事清狂晚看梅花到瘴鄉一任海風吹面黑
免教人謗作何郎

船頭吹火廬仝婢馬後有書頴士奴安得世間名畫手

寫予出嶺泛湘圖

江邊金碧漫層層戶口稀踈塔廟增楚俗不知黃面老

家家香火事湘僧

无量壽佛是也

津吏沙邊立指呼放船出鎖要州符書生行李堪抽點
普茲明珠一例無

見方雲臺題壁

寄書迢遞夢參差每見留題尉所思不論驛亭僧寺裏
有山水處有君詩

土馬村

村墟薪濕米如金猶記來時臘雪深曾有小詩題歲月

店荒無壁可追尋

祁陽道中

昨過知岑寂重來况雪天人居雞柵裏路在鳥巢邊草
市開還閉茅山斷復連瀟江清似鏡悔不問歸船

愚溪二首

草聖木奴安在哉荒榛無處認他臺傷心惟有溪頭月
曾識儀曹半回來

青雲失脚謫零陵十載溪邊意未平溪不預人家國事
可能一例受愚名

浯溪二首

上置書堂下釣磯漫郎陳迹尚依稀無端一首黃詩在
長與江山起是非

形容唐事片言中元子文猶有古風莫管看碑人指點
寫碑人是太師公

石鼓

石鼓名天下州庠盡不如古祠猶漢舊石刻半唐餘翠
巘供憑几寒江照讀書恨余非楚產來借一房居

湖南江西道中十首

獨醒公子去沉湘未識人間有醉鄉酒與離騷難捏合
不如痛飲是單方

賈生廢宅草芊芊路出長沙一悵然今日洛陽歸不得
招魂合在楚江邊

少陵阻水詩難繼子厚遊山記絕工斷壁殘圭零落錦
新碑無數滿湘中

去年冬至投僧寺今歲陽生宿店家獨夜無人堪晤語
青燈相對結寒花

蠻府參軍鬢髮蒼自調款乃蒼漁郎從今詩律應超脫
盞吸瀟湘入肺腸

丁男放犢草間嬉少婦看蠶不畫眉歲暮家家未綃熟
萍鄉風物似幽詩

每嘲介甫行新法常恨歐公不讀書浩歎諸劉今已矣
路傍喬木日凋疎

茫茫衰草與雲平斗氣千年不復明惟有多情蓬上月
相隨客子過豐城

孤裏人人有集開竟師山谷友誠齋只饒白下騎驢叟
不敢勾牽入社來

上封已失嶽僧期客問丹霞謝不知懶到登山臨水處
始驚筋力減來時

曉雞

絳幘昂然韻節清不因風雪廢長鳴初聞煙岫猶啼月

又聽山城漸殺更驚起征夫茅店夢喚回老將玉關情
年來無復中宵舞自笑功名一念輕

哭袁司直

元景

築室西山下孤標未易親長閑如野鶴偶出似祥麟
屬者陪髦士嗟呼瘞玉人北風吹老淚空滴暮江濱

豫章二首

湖光如鏡了無塵照見先生白髮新歲晚騎驢行萬里
始知孺子是高人

交遊回首散如煙重過洪州隔世然手種垂楊皆合抱
朱顏安得似當年

還杜子林詩卷

老眼昏花廢課程小窻久矣斷書聲夜來忽得君詩卷
自起挑燈讀到明

訪李公晦山居

烏洲在橋北我僕云路迂語僕爾何知彼有高士廬問
樵得處所林樾尤扶踈脩竹僅萬箇古梅非一株小畦
植蔬果復有沼可魚下馬式籬藩攝袂循庭除不聞雞
犬聲茶烟起庖厨伊人道義富豈比山澤癯蕭然蓬蒿
中尚友泗與洙古來連雲第翕赫衆競趨漸臺暨郿塢
變滅纔須更聖門不朽事迺屬陋巷儒願君長保此是

亦類之徒

道傍梅花

風吹千片點征裘猶記相逢在嶺頭歲晚建州城外見
向人似欲訴離愁

戲書客舍

已去光陰挽不回漸驚老態逼人來決河猶有方堪塞
脫髮應無術可栽北戍寶藏惟檄草南游捆載是詩材
客愁何物禁當得聊向旗亭買一杯

懷安道中

閩溪瘴嶺客程賒曉泊懷安喜近家大屋書旗夸酒米
小舟鳴櫓競魚蝦溪移驛已臨高岸潮退帆多聚淺沙
快着征衫鞭瘦馬要看二十里梅花

哭方澤孺先生二首

弟子成名衆先生獨命窮廣場雙鬢禿陋巷一瓢空鷄
饌爲親設牛衣與婦同嗟呼猶奮壽神理竟難通
方許書來少殊鄉訃忽聞素幃無祭主破笥散遺文已
閉三間屋誰封四尺墳舊曾傳業者南北各離群

真隱寺

出郭斜陽已在山夜深乘月到江干奴歌小店年宿戶
僧借虛堂徑掛單駭浪急回因膽薄逆風小住爲心寬

殺床一枕瀟湘夢無柰霜鐘苦喚殘

道傍松

入關多古松夾道踈復密未嘗識兵火既久蔽雲日蠹
茲憎游民深夜腰斧出斫根取脂肪竊負如鬼疾譬如
人削趾僵仆立可必供君一瞬光天彼千歲質暴殄聖
垂誠樵採官著律徼吏嗜雞豚熟視不訶詰登高撫遠
路巨幹日蕭瑟哀哉暑行人暍死誰汝恤

枕峰寺

夜深投寺解行裝一點寒燈照上方老宿問余何處去
年年來此借禪床

乍歸九首

官滿無南物飄然匹馬還惟應詩卷裏偷益桂州山
兒童娒膝下母子話燈前却憶江湖上家書動隔年
北戍邊城下南遊瘴海頭不知天地內何處可逃愁
絕愛墻陰橘花開滿院香鄰人欺不在稍覓北枝傷
孚若如天馬軒昂不可羈為貧踈飲客因病出名姬
弛檐逢除夕檀栾共擁鑪把如為客看還得似家無
架書多散亂信手偶拈開匹似前生讀茫然記不來
手種梅無恙蒼苔滿樹身可憐開較早不待遠歸人
格力窮方進功夫老始知儘教人貶駁喚作嶺南詩

題坡公贈鄭介夫詩三首

玉座見圖歎纍纍菜色民如何
崔白輩只寫蔡奴真
向來與相國投分自鍾山不入翹材館
甘為老抱關
下吏語尤硬投荒身轉輕
不然玉局老肯喚作先生

後村居士詩卷之六

後村居士詩集卷之七

詩

蔡忠惠家觀墨蹟

維蔡郡之望過者必式閭嚴嚴端明廳遺像猶肅如頗
聞手澤富儻許窺珍儲主人命發笥棊几同卷舒比顏
倍秀麗眠柳加敷腴毫抗兩記在妙與蠟本殊洛橋字
尤佳其大徑尺餘班班名臣帖煌煌 昭陵書坐令承
學士若覩慶曆初向來故家物聚散何忽諸祭器抱它
適玉軸棄路隅端明夢奠時鷹鹵惟一孤厥裔日以蕃
廟院蜂房居寸紙惜如命不博明月珠乃知儒澤遠浮
榮無根株勗哉守視者巾襲防蠹魚

昔方孚若主管雲臺子監衡嶽每歲 瑞慶節

常聚廣化寺拈香癸未此日獨至寺中輒題一絕
同作祠官荷聖朝年年相待放生橋精廬此日來無住
稽首爐熏自祝堯

有感

策策秋聲起樹枝遙憐塞下鴈來時寧聞中夜荒雞舞
肯拾他人竹馬騎短劔舊曾交俠客小詩猶足將偏師
無情却是青銅鏡剛照書生兩鬢絲

挽水心先生二首

一夢 孝皇初悽然四紀餘國人莫知我天下孰宗子
散地雖無柄名山儘有書烏虜傳萬世猶足矯玄虛
所學如山海吁嗟不一施未聞訪箕子但見誅宣屋空
郡來陪哭無人敢撰碑紛紛門弟子若箇解稱師

林谷州別墅

出郭五里強治地十畝寬竒峰面朝挹高阜背屈蟠忽
獻若神授又闕由天慳茲焉卜壽宮朱堊浮林端使君
世慮澹出嶺顏如丹靜思三窟危孰如一丘安蒔松旣
森秀引泉亦甘寒願言奉巾屨暇日來盤桓

哭林山人

僵卧茅簷下怡然八十春竟無衾覆首惟有鍾隨身賻
吊稀來客封崇託外親自言墳出貴後必產竒人

挽方孚若寺丞二首

使君神雋似龍麟行地飛空不可馴詩裏得朋卿與我
酒邊爭霸世無人寶釵去盡中年病珠履來踈晚節貧
昔共誅茅聽瀑處溪雲六月亦悲辛

斯人詎意掩斯丘六合茫茫不可求射虎山中如昨日
騎鯨海上忽千秋帝方欲老長沙傳 尚能言博望侯
回首瀨溪溪畔路跛驢無復從公遊

挽方武成二首

左鉞

頗有翁標致唐末折角巾雖疑頭小銳極愛腹精神
矣雲霄志悲哉露電身世閒無妙質一慟惜斯人
卍角詩名出流傳海內誇師稱起予者翁問倩人邪惜
未參諸老猶堪擅一家從今崖瀑上誰共訪梅花

福州道山亭

南豐作記

絕頂煙開霽色新萬家臺觀宛如鱗城中楚々銀袍子
來讀曾碑有幾人

建州

風緊雲高雪尚慳建州城北倚闌干林梢淡日紅如綫
應爲梅花煖晚寒

起來

起來呵手檢衣篝燭影蟲聲伴小樓賴有夢中堪細說
錦牋寫不盡離愁

入浙

浦城南畔只輕陰入浙方驚雪許深梅皜楓丹二百里
笑人短幅寫寒林

寄人

老攜詩卷入京華覓店先須近酒家白髮但能妨進取
未妨痛飲插梅花

壽昌

山路泥深雪未乾，病身初怕浙西寒。
新年臺曆無人寄，且就村翁壁上看。

桐廬

桐廬道上雪花飛，一客騎驢覓雪詩。
亦有扁舟蓑笠興，江行却怕子陵知。

富陽

便着羊裘也不難，山林未有一枝安。
富春耕種桐江釣，却羨先生別墅寬。

記夢

父兄誨我髭鬚初老不成名，鬢髮踈紙帳。
鐵檠風雪夜，夢中猶誦小時書。

出都

客子來時臘雪飛，出城忽已試單衣。
湖邊移店非無意，要共林逋話別歸。

題硯

吾硯平生極自珍，塗雲抹月發清新。
臨歸攜就西湖洗，不受東華一點塵。

杜丞

憶冒重圍入孤城，賴不亡戰功。何日賞檄草，至今藏舊事。
歸詩卷新寒入箭，劄江邊逢杜杲，鬢髮各蒼蒼。

久客

久客長安市人情薄似雲寧爲絕交論不著送窮文白
髮長千丈黃金盡百斤故山春事動深恐廢耕耘

贈陳起

陳侯生長紛華地却以芸香自沐熏鍊句豈非林處士
鬻書莫是穆參軍兩簷兀坐忘春去雪按清談至夜分
何日我閑君閑肆扁舟同泛北山雲

贈翁卷

非止擅唐風尤於選駢工有時千載事祇在一聯中世
自輕前輩天猶活此翁江湖不相見纔見又西東

路傍桃樹

爲愛橋邊半樹斜解衣貰酒隔橋家唐人苦死無標致
只識玄都觀裏花

題壁

兒時挾彈長安市不信人間果有愁行遍江南江北路
始知愁會白人頭

馬上口占

陌上鞦韆索漸收金鞭懶逐少年遊晚風細落梨花點
飛上春衫揔是愁

挽李尚書一首

韓范止如此公平事又艱不陪治城廟合殉定軍山墜
出千官賀已藏一老閑瑀戈提十萬猶記凱歌還
幕下多材雋于今盡策勳可憐狂處士曾揖大將軍久
戍兒郎老新招部曲分此生甘寂寞有淚濕高墳

橋西

昔飲橋西歲月多梨花深處侍郎過垂鞭欲訪湔裙約
奈此蕭蕭鬢雪何

黃田人家別墅繚山種海棠爲賦二絕

萬紅扶路笑相迎彷彿前身石曼卿若向花中論貴
芙蓉城劣海棠城

海棠妙處有誰知全在胭脂不染時試問玉環堪比否
玉環猶自覺離披

郭熙山水障子

高爲峯嵐下濤江極目森秀涵滄浪始知著色未造極
壹似醜女施鉛黃驚泉駭石聚幽恠巨楠穹柏蟠老蒼
鹿門寺華子固是耶非耶遠莫詳疑聞鍾聲起晝靄似
有帆影來微茫陌窮渡絕雪滿坂驢鞍釣笠分毫芒炎
曦亭午試展玩坐覺煙雨生縑緗古來絕藝必名士俗
史辟易安敢當大年脂粉米老狂先朝僅數燕侍郎吾
聞汾陽子貴購父畫一筆不許它人藏矮屏短軸已可

寶况此四幅垂華堂嗚呼主人謹護守神雷鬼電或取將

挽林夫人 方孚若母

奉使年二十聲名滿四夷奇哉何物媪生此丈夫兒墓
竟同孫家猶有婦持向來稱壽地忍聽鼓簫悲

挽葉夫人 丞相女孫孚若內子

年與稟砧齊來嬪自始筭典刑丞相子禮法大夫妻恠
鵬驚頻集離鸞忍隻棲傷心衾含等猶是嫁時齋

題洪使君詩卷 陳師復為序

刻於片泮士爭披傳到茅廬我切窺突過韋郎森戟句
高如柳惲采蘋詩日惟坐歎熏沉水間亦搖毫品荔支
况有太丘為小序遙知流布滿京師

閔全驟雨圖

四山昏昏如潑墨行人對面不相覲淒乎太陰布肅殺
闐然混沌未開闢千丈擎空蟄龍起一聲破柱春雷疾
我疑人間瓠子決或是天上銀河溢異哉煙霏變態中
山川墟市明歷歷茅寮竹寺互掩映春殘磬渺愁寂
叟提魚出寒裂面童叱牛歸泥沒膝羊腸峻坂去天尺
驢飢僕瘦行安適林僧卸笠窅窅迴步海商拋可憂形色
縱覽鯤鵬信奇偉戲看鳧亦蕭瑟乃知畫妙與天通
模寫萬殊由寸筆大而海嶽既盡包細如針粟皆可識

向來閨生何似人想見丘壑橫
曾聽嗚呼使移此手爲文章
豈不擅場稱巨擘

哭左次魏二首 墓言

少日一編書中年丈二父乃知杜預智
誰謂狄山愚小試飛箱策方爲進築圖
到頭麟閣上終不着臞儒甫痛何郎天
立明亦復然因思題墓上不若闢樽前
劍馬爲誰得琴書有女傳惟應千載下
配食雪堂僊 何君古可皆江惟同幕相繼歿于齊安

寄永嘉王侍郎

珍重西清老書來訪薜蘿爲邦應好在
作佛竟如何花押常衙少柑香靜坐多
聞公鬚尚黑未害小婆娑

秋熱憶舊游二首

憶昔浮江更涉淮早秋天氣最佳哉
塞垣榆落蟬初少澤國盧疎鴈已來
風露入懷詩筆健閑山滿目笛聲哀
南州九月猶絺綌縱有清樽底處開
塞上秋光冷似冰當年豪舉氣憑陵
打毬不用炎方馬按獵初調異國鷹
山寨淒涼聞戍鼓水村搖落見漁燈
而今病暍茅簷晨追記猶堪洗鬱蒸

哭李景温架閣 大有

挾策說荊州那知亦闇投漫招温處士
幾殺杜參謀出

幕有清議還鄉空白頭人間容不得下與阿翁遊

其相也

送鄭端州起沃

想入漳潮境牙旗夾路紅帝方憂瘴俗君可惠清風海
有沉珠方巖無斲硯工它年循吏傳要雜古人中

送方子約赴衢教符

博士非如吏魏然道自居諸生趨避席太守揖升車朱
筆濃批卷青燈細勘書漢廷重文藻行矣召嚴徐

李園有懷李若

曾與山公醉不歸李園水竹尚依稀鈿車疾取春鶯唱
鐵笛潛驚宿鳥飛昔把蟹螯同酒琖今持馬策叩城扉

溪頭一片無情月偏照愁人淚滿衣

送方阜高赴衡州法掾

仕不論高下絲毫要及民君其守三尺古有活千人獄
樹侵雲杪江籬滴水濱楚芳飢可薦切莫歎清貧

荅教茂才器之猫子

太傅品胡兒樊川譽阿宜既為諸父賞焉用外人知曉
月家山夢秋風客舍詩桐城逢汝伯一為說相思

失猫

飼養年深性已馴樊塙上樹可曾嗔擊鮮偶羨鄰翁富

食淡因嫌舊主貧，蛙跳此堦殊得意。鼠行几桮若無人，
籬間薄荷堪謀醉。何必區區慕細鱗。

送張應斗還番禺

蕉荔漫山霧雨繁，虬鬚客子海南轅。久留閩國誰堪語，
却憶番禺可與言。豪傑雖窮留氣在，聖賢不死有書存。
歸時洗換征衣了，揀箇深山緊閉門。

爲圃二首

屋邊廢地稍平治，裝點風光要自怡。愛敬古梅如宿士，
護持新筍似嬰兒。花窠易買姑添價，亭子難營且築基。
老矣四科無入處，旋鉏小圃學樊遲。

衰病歸來占把茅，壁如僧葺退居寮。因存橘樹斜通徑，
怕礙荷花小著橋。古有功名興釣築，今無物色到漁樵。
可憐歲晚閑雙手，種罷蕪菁擷菊苗。

送黃舒文赴欽教壁

博士文中虎垂鬚，已定交雅宜對紅藥。胡乃涉黃茅薄，
有先生飯全無。弟子嘲猶勝迂闊者，荷鍾藜荒郊。

挽袁侍郎二首

華髮始遭逢，其如道不同。可曾留子墨，叟俄已罷申公。諫
草多傳出，經疑盡解通。豈無南董氏，奮筆紀孤忠。

遺諾兼新訂，同時至華門。龍髯先帝遠，船背幾公存。

方恨三旌晚俄驚一鑑昏
潛然關世道不身與私恩

教器之宅子落成

臞翁卜築向東臯小憩江湖半世勞
遶屋樹陰供杖屨登樓山色發詩騷
客來賀厦杯行闊市寫拋梁紙價高
白虎漸臺何處在不如茅舍尚堅牢

答陳珍

寂寂少游從斯人未易逢清貧今仲子
踈雋小元龍君謹提詩筆吾當避箭鋒
勉旃盛世切勿效寒蛩

挽表叔趙君任安撫二首

綸忠簡孫

丞相規恢策家庭已習聞寧論乘一障
真可帥中軍塵無能對金錢有即分心
知伏波病多半爲忠勤叔在兵間日書
常笑我孱初云機會易晚歎事功難
寂寞郎官省荒涼上將壇遙憐會稽
變新種短松寒

池上榴花一本盛開

炎州氣序異十月榴始華是誰初植此
石罅抽根斜綠陰蔽朝曦朱艷奪暮霞
始猶一二枝俄已千百葩染人不能就
畫史無以加洛陽擅牡丹久矣埋胡沙
蜀州夸海棠邈然隔夔巴安知籬壁間
亦有尤物耶坐令農圃室化爲金張家
詩人好模擬凍藥并寒槎斯篇僅令見
無乃譏吾奢

蘇李泣別圖

方孚若故物
近爲人取去

風雲慘悽草樹枯死笳鳴馬嘶弦驚鷓起孰看境色非
人間祁連山下想如此手持草酒別故人此生再面真
無因胡兒漢兒俱動色路傍觀者爲悲辛歸來暗灑茂
陵淚子孟少叔方用事白頭屬國冷如冰空使穹廬歎
忠義茫茫事往賴盡存每愁歲久練素昏即今畫亦落
人手古意淒涼誰復論

芙蓉二絕

湖上秋風起擢歌萬株映柳更依荷老來不作繁華夢
一樹池邊已覺多

池上秋開一兩叢未妨冷淡伴詩翁而今縱有看花意
不愛深紅愛淺紅

鄒甫田見傳葬書

應博

今君葬說其傳遠一字真堪直一練惜似辯材藏襖帖
受如房相筆楞嚴略疏脫誤煩重校盡扣精微恐不廉
欲卜寢丘何處是憑高試爲指東崦

挽鄭參議

備

同榜飛騰盡君初拜小侯地寒推易去天遠借難留新
壠家山畔生祠嶺海頭歷官如杜老白首止參謀

同鄭君瑞出瀨溪即事十首

方孚若
新詩

汗血名駒白玉鞭本初父子喜華鮮只今無復狂游侶
自卸驢鞍古店前

妓有香分客有魚主君頭白揔因渠枯楊此日悲風起
寂寞無人哭墓廬

元凱平生以智推今看往事一何癡山頭螭首猶蕪沒
那有人觀水底碑

昔結精廬在半崖苔扉無主闔還開近聞有虎爲看守
應是防閑俗子來

豪士寧淪鬼趣中曼卿昔去管芙蓉君今定作梅花主
來往山間儻一逢

蘂裡而掩古無譏何必封崇揭禍機到得珠襦金枕出
始知羸葬不爲非

古於生死驗交情何況臺歌沼漸平不是劉君同鄭老
苔深草合斷人行

鐵馬防秋記昔曾晚途消縮似寒蠅同時校尉俱封拜
誰伴將軍獵霸陵

北耗而今杳不知路傍羽檄走無時自憐滿鏡星星髮
羞見官中募士旗

老奴昔逐我西東捷似猿猴跳絕峯今日道旁扶一拐
汝公安得不能鍾

教茂才論詩

詩道不勝玄難於問性天莫求鄰媪誦姑付後儒箋至
質翻如俚尤癯始似僊吾非肝肺異先得子同然

鎖諫圖

謹言直觸大單干賴有關氏上諫書若把漢唐宮死比
玉環飛燕揔輸渠

哭劉連江 世鈞

晚唐才調晉風期一片曾襟頗涉奇每過鄰家因貫酒
偶添別墅爲羸基議郎秩淺無超拜令尹官清有去思
種得花成身不見江邊父老至今悲

明皇按樂圖

鶯啼花開春晝遲掖庭無事方遨嬉廣平策免曲江去
十郎談笑居台司屏間無逸不復覩教雞能鬪馬能舞
戲呼寧哥吹玉笛催喚花奴打羯鼓南衙群臣朝見踈
老伶巨璫前後趨阿瞞半醉倚玉座袖有曲譜無諫書
金盆皇孫真龍種浴罷六宮競圍擁惜哉傍有錦綉兒
蹴破咸秦跳河隴古來治亂本無常東封未了西幸忙
輦邊貴人亦何罪禍胎似在偃月堂今人不識前朝事
但見斷縑粧束異豈知當日亂離人說着開元揔垂淚

哭李公晦二首 以於辰州

不會蒼天意令君死五谿少留游洛下晚乃相膠西白
首尊師說丹心對御題悲乎成底事路遠客魂迷
洲邊三畝宅有竹有梅花豈不堪名世何如勿起家身
纔着朱綬州謾出丹砂渺渺重湖外悲風咽暮笳

送鄒莆田

日日焚香出天知令尹心租符環境少花判入人深
路惟詩卷般家亦俸金極爲鄉井惜不是愴分襟

即事四首

買得荒郊五畝餘旋營花木置琴書柳能樊圃猶須種
蘭縱當門亦不鋤無力改墻姑覆草多方存井要澆蔬
區區才志聊如此誰謂先生廣且疎

自爲詩客不勝慙喚作園翁定自堪抱甕荷鋤非鄙事
栽花移竹似清談野人只識羹芹美相國安知食笋甘

富鄭公事晚覺齊民書最要惜無幽士肯同參

墻角新開白版扉時尋樵牧弄煙霏代耕豈若收躬稼
賜帛何如出自機湖海浪遊今已倦山林獨往未全非
百年只願身強健長爲慈親負米歸

行鑿新池引一灣更規高阜敞三間縮墻恐犯鄰家地
減樹圍看屋後山身隱免貽千載笑書成猶要十年閑
門前驀有相尋者但說翁今怕往還

梅花五首

髣髴瑤姬擁仗來
節簷化作玉樓臺
平明遶砌圓殘夢
元是梅花數樹開

糝地紛紛着樹稀
歲華搖落慘將歸
世間尤物難調護
寒怕開遲暖怕飛

籬邊屋角立多時
試為騷人拾棄遺
不信西湖高士死
梅花寂寞便無詩

肯因冷澹怨年芳
霜滿寒林月滿塘
至白世間惟玉雪
不如伊處為無香

夜來幾陣隔窻風
便恐明朝已掃空
點在青苔真可惜
不如吹入酒杯中

送邢仙遊興祖

彼美邢侯者
逢人滿口夸
有恩露小戶
無勢撓公家
拔盡民間莠
栽添境內花
五言詩采清論
一字不曾加

夜登甘露山二首

小家三兩戶
荒巘萬千重
有月犬時吠
無人泉自舂
月落宿禽起
幽人殊未迴
不知何處磬
迢遞過山來

書事二首

竭海夷山氣力雄
只愁無術駐顏紅
却湏擘劃千餘歲
多買丹砂置女僮

章子厚云人生豈不能擘劃得二三百歲

因治陶朱術太精世間無物足經營
更將郭璞書煩看
只恐青山盡鑿平

後村居士詩卷第七

